



<County: Gloucestershire>

<Code: L9600>

<MS reference: Bristol Record Office, Little Red Book of Bristol, fol. Vr>

<Text: Jurament>

This here yhe Mair Sherif and gode menn that J A S ^[Recordour of Bristow] shal be gode and trewe to kyng henry our souereine lorde ^[& to his heirs] and to the Mair and cominaltee of this towne And after the konnyng which god hath sent me j schal trewly counsel ham and yeve no partial counsel for love fauour brokage nor hate of no persone And the kynges counsell and also the counsel of this towne j schal trewly hele and kepe . Also j schal wel and trewlyche by my konnyng rewele and gouerne al maner of plees that schal be pleded in the yheldhalle a-fore the Mair and Sherif and afore the Mair and Baillifs in al maner~ courtes holden afore ham . J schal maigtene none vntrewe querelle nor destourbe nor delaie no mannes right be my konnyng . Also j schal save kepe and defend the Fraunchises and the pees of this towne with al my power Also J schal stonde holyche with the Mair Sherif Baillifs and al the worthy men~ & comunittee <commntee?> of the toune of Bristowe in al maner matiers causes and nedes longyng to the toune of Bristow Also J schal not be of Counsell with no maner man@ forennger<?> nor deniseyn in no maner matier ayhenst the Mair and comuntee longyng to the toune &<?> And al other thynges longyng to my seide Office of Recordour J schal wel and trewly be my~ konnyng and my power do so god me helpe and al halydome